

Newspaper	UTUSAN MALAYSIA
Date	07 DECEMBER 2016

Tiada lagi petua perjuangan

Um - 7/12/2016

Oleh **ZULKIFLI JALIL**

pengarang@utusan.com.my

KUALA LUMPUR 6 Dis. - Bekas Perdana Menteri, Tun Dr. Mahathir Mohamad sudah tiada lagi perimbangan petua dalam perjuangan politiknya yang kelihatan mengikut selera semasa.

Penasihat Sosiobudaya Kerajaan, Tan Sri Dr. Rais Yatim berkata, Pengerusi Parti Pribumi Bersatu Malaysia (PPBM) itu tidak pedulikan orang Melayu dan keutamaan bangsa apabila bersekongkol dengan DAP.


“Semua beliau nak cakap, sudah diluahkan. Kini menjadi peranan Pergerakan Pemuda UMNO untuk menarik generasi Y dalam senarai penuh daftar pemilih.

“Saya percaya Khairy (Jamaluddin) yang mengetuai jentera Pemuda tidak ambil ringan perkembangan isu semasa sekarang terutama yang berkait dari ekonomi dapur (kos sara hidup),” kata beliau kepada *Utusan Malaysia* hari ini.

Rais yang pernah berkhidmat dan bekerja di bawah lima Perdana Menteri ditanya apa perasaannya apabila melihat Dr. Mahathir mengangkat tangan bersama Penasihat DAP, Lim Kit Siang dan Setiausaha Agung parti itu, Lim Guan Eng dalam persidangan DAP di Shah Alam kelmarin.

Menurut Rais, pendirian ‘politik terbalik’ Dr. Mahathir bersekongkol dengan DAP turut mengejutkan sebahagian besar ahli pertengahan parti itu.

Beliau menarik perhatian sentimen yang diluahkan pen-syarah undang-undang di Pulau



Dr. Mahathir jelas jauh tergelincir perjuangan Melayunya sebab dalam perjuangan DAP, orang Melayu tidak ada sifir. Beliau tidak lagi memiliki nasionalisme Melayu dalam perjuangan.”

RAIS YATIM
Penasihat Sosiobudaya Kerajaan

Pinang, Shamsher Singh Thind dan anak perempuan mendiang Karpal Singh, Sangeet Kaur Deo yang mempersoalkan kenapa Dr. Mahathir tiba-tiba mahu bersama DAP.

“Dr. Mahathir jelas jauh tergelincir perjuangan Melayunya sebab dalam perjuangan DAP, orang Melayu tidak ada sifir.

“Beliau tidak lagi memiliki nasionalisme Melayu dalam perjuangan,” katanya.